



Broj: 08-16-5-1041-13/18
Sarajevo, 17.12.2018. godine

Na osnovu člana 21. Zakona o reviziji institucija BiH („Službeni glasnik BiH“, broj 12/06) i člana 70. Zakona o javnim nabavkama („Službeni glasnik BiH“, broj 39/14) i Zapisnika o pregledu i ocjeni ponuda sa preporukom Komisije za javne nabavke o izboru najpovoljnijeg ponuđača, broj: 08-16-5-1041-12/18 od 17.12.2018. godine, generalni revizor donosi

ODLUKU

o izboru najpovoljnijeg ponuđača za nabavku usluge osiguranja vozila za potrebe Ureda za reviziju institucija BiH

I

Najpovoljniji ponuđač za nabavku usluge osiguranja vozila (redovno/osnovno i kasko osiguranje) za potrebe Ureda za reviziju institucija BiH, putem konkurentskog zahtjeva za dostavu ponuda je firma „Central osiguranje“ d.d. sa cijenom ponude od 1.661,54 KM bez PDV-a.

II

Po ispunjavanju zahtjeva iz tenderske dokumentacije u pogledu dostavljanja dokaza za koje je tražena Izjava iz člana 45. Zakona o javnim nabavkama i po okončanju roka za žalbu, Ured za reviziju institucija BiH će sa izabranim ponuđačem zaključiti ugovor, kojim će se regulirati međusobna prava i obveze vezano za predmetnu nabavku, u skladu sa zahtjevima navedenim u tenderskoj dokumentaciji i zakonskim propisima koji regulišu postupke ugovaranja.

III

Ova Odluka će se objaviti na web-stranici Ureda za reviziju institucija BiH, istovremeno s upućivanjem odluke ponuđačima koji su sudjelovali u postupku javne nabave.

Obrazloženje

Na osnovu Odluke o pokretanju postupka javne nabavke osiguranja jednog službenog vozila, broj: 08-16-5-1041/18 od 30.11.2018. godine i obavještenja o nabavci objavljenog na portal javne nabavke, broj: 1191-7-2-67-3-17/18 od 04.12.2018. godine, proveden je konkurentski zahtjev za nabavku usluge osiguranja motornog vozila za potrebe Ureda za reviziju institucija BiH.

Komisija je Zapisnikom sa otvaranja ponuda od 14.12.2018. godine, konstatovala da su blagovremeno pristigle četiri ponude i to: ponuda firme Central osiguranje d.d. sa cijenom od 1.661,54 KM bez PDV-a, Adriatic osiguranje d.d. sa cijenom ponude od 2.616,10 KM bez PDV-a, Sarajevo osiguranje d.d. sa cijenom ponude od 2.265,10 KM bez PDV-a i ponuda firme Euroherc osiguranje d.d. sa cijenom od 2.076,67 KM bez PDV-a.

Komisija je na zatvorenom sastanku izvršila pregled i analizu dokumentacije priložene uz ponude u smislu provjere validnosti s obzirom na iskazane zahtjeve Ureda za reviziju institucija BiH u tenderskoj dokumentaciji.

Uvidom u priloženu dokumentaciju pristiglih ponuda i suštinskom provjerom sadržaja i validnosti dokumentacije, Komisija je konstatovala da sve ponude ispunjavaju formalnopravne i tehničke uslove tražene tenderskom dokumentacijom te da iste mogu biti predmet daljnjeg vrednovanja.

U skladu sa navedenim Komisija je dala rang listu prihvatljivih ponuda:

1. Central osiguranje d.d. sa cijenom od 1.661,54 KM bez PDV-a
2. Euroherc osiguranje d.d. sa cijenom od 2.076,67 KM bez PDV-a
3. Sarajevo osiguranje d.d. sa cijenom od 2.265,10 KM bez PDV-a
4. Adriatic osiguranje d.d. sa cijenom ponude od 2.616,10 KM bez PDV-a

Komisija je takođe utvrdila da sve pristigle ponude uživaju preferencijalni tretman domaćeg i da primjena istog ne mijenja rang listu prihvatljivih ponuda.

Shodno odredbama Zakona o javnim nabavkama i kriterija za dodjelu ugovora „najniža cijena“, i cijeneći prethodno navedeno kao i činjenicu da je prvoplasirana ponuda i u ekonomskom smislu prihvatljiva za ugovorni organ, Komisija je jednoglasno dala **preporuku** generalnom revizoru Ureda za reviziju institucija BiH da donese:

Odluku o izboru najpovoljnijeg ponuđača za nabavku usluge osiguranja vozila za potrebe Ureda za reviziju institucija BiH, i da se ugovor dodjeli ponuđaču „**Central osiguranje**“ d.d. sa cijenom ponude od 1.661,54 KM bez PDV-a.

Cijeneći navedeno, generalni revizor Ureda za reviziju institucija BiH donosi odluku kao u dispozitivu.

PRAVNA POUKA

Žalba se izjavljuje Uredu za razmatranje žalbi, putem ugovornog organa, u roku od pet dana od dana prijema Odluke o izboru najpovoljnijeg ponuđača.

Dostaviti:

- Ponuđačima x4
- Komisiji za nabavku
- Službi ureda
- a/a.

GENERALNI REVIZOR
Dragan Vrankić
